



春秋釋例

二三

高
十
回

服部文庫
117
208
2



春秋釋例卷二



晉

杜

預

撰

滅取入例第七

案此篇見永樂大典惟篇目佚今補

莊十年冬十月齊師滅譚譚子奔莒傳曰齊侯之出也過譚譚不禮焉及其入也諸侯皆賀譚又不至於齊師滅譚譚無禮也譚子奔莒同盟故也

閔二年冬云十二月秋入衛傳曰冬十二月秋人伐衛云衛懿公云及狄人戰于熒澤衛師敗績遂滅衛衛侯不去其旗是以甚貶云秋入衛

喜十年春正月云秋滅溫溫子春秋

蘧蘧子無信也蘧子叛王卽狄又云于杜村人代
之王不救故滅蘧子奔南

十二年夏楚人滅黃傳曰黃人恃諸侯之睦于齊也
不共楚職曰自郢及我九百里焉能害我夏楚滅黃
十九年冬云梁亡傳曰梁亡不書其主自取之也初
梁伯好土切巫城而弗處民罷而弗堪則曰某寇將
至乃溝公宮曰秦將襲我民懼而潰秦遂取梁
二十二年春公伐邾取須句二十一年傳曰邾人滅
須句須句子來因成風也成風爲之言于公曰宗明
祀保小寡周禮也蠻夷滑夏周禍也若及須句是崇

皦濟而修祀紓禍也二十二年傳曰春伐邾取須句
而反其君焉禮也

二十五年春王正月丙午衛侯燬滅邢傳曰正月丙
午衛侯燬滅邢同姓也故名

二十六年秋楚人滅夔以夔子歸
融與鬻熊楚人讓之對曰我先王熊贄有疾鬼神弗
赦而自竄于夔吾是以失楚又何祀焉秋楚成得臣
鬪宜申帥師滅夔以夔子歸

文五年秋楚人滅六傳曰六人叛楚卽東夷楚成大
心仲歸帥師滅六云滅文仲聞六云滅曰皋陶庭

擊不祀怨諸德之不建民之無援

七年春公伐邾三月甲戌取須句傳曰春公伐邾間
晉難也三月甲戌取須句寘文公子焉非禮也

十五年夏云六月云晉卻缺帥師伐蔡戊申入蔡傳
曰新城之盟蔡人不與晉卻缺以上軍下軍伐蔡曰
君弱不可以怠戊申入蔡以城下之盟而還傳例曰
凡勝國曰滅之獲大城焉曰入之

宣九年秋取根牟傳曰秋取根牟言易也

十五年夏云六月癸卯晉師滅赤狄潞氏以潞子嬰
兒歸傳曰潞子嬰兒之夫人晉景公之姊也鄆郟為

政而殺之又傷潞子之目晉侯將伐之云六月癸卯

晉荀林父敗赤狄于曲梁辛亥滅潞

十六年春王正月晉人滅赤狄甲氏及留吁傳曰春

晉士會帥師滅赤狄甲氏及留吁鐸辰

成六年春云取鄆傳曰取鄆言易也

襄六年冬云十二月齊侯滅萊傳曰十一月齊侯滅

萊萊恃謀也

十年夏五月甲午遂滅偃陽傳曰夏四月戊午會于
柤云晉荀偃士會帥卒以偃陽親受矢石甲午滅之
書曰遂滅偃陽言自會也

十三年夏取邾傳曰夏邾亂分為三所邾遂取之
傳例曰凡書取言易也周大師焉曰滅邾地曰入
昭四年秋云九月取鄆傳曰九月取鄆言易也莒亂
著丘公立而不撫鄆鄆叛而來故曰取傳例曰凡克
邑不用師徒曰取

哀八年春王正月宋公入曹以曹伯陽歸傳曰春宋
公伐將還褚子師肥殿曹人詒之不行師待之公聞
之怒命反之遂滅曹執曹伯及司城彊以歸殺之
釋例曰先王之命天子之地一圻列國一同曰是
以衰故九版之內有萬國焉聞諸前史周之興也

姬姓之國五十有五興廢繼絕仍有舊封者千有
八百其後禮樂征伐自諸侯出大侵小眾暴寡漢
陽諸姬楚實盡之霍陽虞虢滅而入晉故春秋見
于經傳通及古國附庸蠻夷無爵而為國者凡百
四十五而已定哀之末又存者大半案自先王之
明三傳無之從敬續夫興滅繼絕帝王之遠典也
勤而撫之五伯之所以役王命也兄弟甥舅侵敗
王略王命伐之則有征討之事兵之所加不可細
舉故策書之典以例而言用大師起大眾重力以
陷敵因而有之故名勝國通以滅為文也隸名字

正義引釋以成師重力雖獲大城得而弗有故直
例作曰字以出入為辭曰入之而已城不苞地國不苞邑滅
邑必主大師故再發例取者乘其衰亂或受其潰
叛或用少師而不頓兵勞力則直言取如取如攜
言其易也傳四發取例者邾以師取案襄十三年正義引釋例
徙取作鄆以叛而來根牟東夷剽附庸國名各不同
故也邾為小國非邑非夷故以凡例附之譚黃萊
六之滅傳但見四國之咎有以取之非所以解滅
例也狄滅而書入者狄無文告衛之君臣死盡齊
桓存之以告諸侯言狄已去不能有其土地也蘓

子叛王即狄又不能于狄狄滅而君之此中國之
狄也作事不時則怨讙動于民彼梁伯者虛與無
虞之功詐稱無害之寇環溝其宮案環溝僖十九年正義引釋例
漸遂以盪百姓之心開大國之志是妖興之先徵
自亡之實應故不言秦滅梁而以自亡為辭也案
辭釋例九年正義衛侯滅邢無異罪同姓故名夔
子承祝融鬻熊之胤世紹其祀而欲移之于楚見
責又不以禮服罪狀由于不祀宜在見罪故無異
譏晉侯滅虞而修虞祀供其職貢傳稱罪虞且言
易亦其義也狄有五罪伐之正也不書林父士會

從告辭也會以訓上下叙德刑遂滅偃陽自滅生
于會非本意也曹人背晉而奸宋是以致討宋公
既還而不忍褚師之詬怒而反兵一舉滅曹滅非
本志故以入告也

氏族例第八

案此篇永樂大典全闕

釋例曰別而稱之謂之氏合而言之謂之族子孫
繁衍枝布葉分始承其本末取其別故其流至于
百姓萬姓義隱八年正釋例尋按春秋諸氏族之稱甚多
參差而先儒皆以為例欲托之于外赴則患有人
身自來者例不可合因以僻陋未賜族為說弑君

不書族者四事州吁無知不稱公子公孫賈氏以
為弑君取國政以國言之按公子商人亦弑君取
國而獨稱公子宋督賈氏以為督有無君之心故
去氏按傳自以先書弑君見義不在于氏也宋萬
賈氏以為未賜按傳稱南宮長萬則為己氏南宮
不得為未賜族也執殺大夫不書族者二事楚殺
得臣與宜申賈氏皆以為陋按楚殺大夫公子側
大夫成熊之等六七人皆稱氏族無為獨于此二
人陋也欲以為通例則有若此之錯欲以為無義
例則傳曰嘉之故不名書曰仲孫嘉之書曰崔氏

非其罪。鬻溺帥師，皆曰疾之稱族。尊君命，固族尊。大人尊晉罪己之文，炳然著明，以此推之，知亦非仲尼所遺也。斯蓋非史策舊法，故無凡例。當時諸國以意而赴，其或自來聘使者，辭有詳略。仲尼修春秋，因采以示義，義之所起，則刊而定正之。否則卽因而示之，不皆刊正也。故蔡人嘉赴而經從稱，季傳曰蔡人嘉之書。崔氏傳亦曰且告以族，明皆從其本也。書司馬華孫來盟，亦無他比，知非大例也。然則總而推之，春秋之義，諸侯之卿當以名氏備書于經，其加貶損則直稱人，若有褒異則或稱

官，或但稱氏。若內卿有貶，則特稱名，文不言魯人，故異于外也。若夫褒無貶，傳所不發者，則皆就舊文，或未賜族，或特有詳略也。推尋經文，自莊公以上，諸弑君者皆不書氏。閔公以下，皆書氏，亦足以明時史之異同。非仲尼所皆刊也。隱四年正義引釋例舊說以爲大夫有功德者，則生賜族，非也。至于鄭祭仲爲祭封人，後升爲卿，經書祭仲，以生賜族者，檢傳既無同華氏之文，則祭者是仲之舊氏也。正義八年釋例傳云公子遂如齊，逆女，尊君命也。遂以大人婦姜至自齊，尊夫人也。叔孫僑如，逆女，則往曰稱族。

還曰舍族然則公子公孫繫公之常言非歟也宣元年正義禍福不告則不書然則國之大事見告則皆承告而書貴賤各以所告為文也福莫大于享國有家禍莫甚于骨肉相殘故公子取國及為亂見殺者亦皆書之不必繫于為卿故子紆意恢以公子見書于經也莊九年正義引釋例

爵命例第九

案此篇永樂大典全闕

釋例曰天子錫命其詳未聞諸侯或即位而見錫或歷年乃加錫或已薨而追錫魯桓薨後見錫則亦衛襄之比也魯文即位見錫則亦晉惠之比也

魯成八年齊靈二十四年乃見錫隨思所加得失

存乎其事

莊元年正義引釋例

周官王之五路及卿大夫士

服車各有名又有良車散車不在等者其用無常

襄十年正義引釋例

先路者革路君木路或云先或云次

蓋以就數為差其受之于王則稱大成二年正義引釋例公

侯伯子男及其卿大夫士命數周官其有等差當

春秋時漸已變改是以仲尼丘明據時之宜仍其

行事從而然之不復與周官同也而先儒考合周

官禮記各致異端今詳推經傳國之大小皆據當

時土地人民不復依爵故書齊楚之卿而略于滕

薛也諸侯大國之卿皆必有命固無所疑其總名亦曰大夫也故經傳卿大夫之文相涉晉殺三卿而經書大夫邢丘之會傳稱大夫亦皆卿也蜀之盟齊國之大夫溴梁之盟小邾之大夫此不命一命之大夫故不書也命者謂其君正爵命之于朝其宮室車旗衣服禮儀各如其命數則皆以卿禮書之于經衛之于晉不得比次國則邾莒杞鄆之屬固已微矣此等諸國當時附隨大國不得列于會者甚多及其得列上不能自通于天子下無暇于備禮成制故與于會盟戰伐甚多唯曹之公子

首得見于經其餘或命而禮儀不備或未加命數故皆不書之也邾莒我之等其奔亡亦多所書唯數人而已知其合制者少也又邾庶其等傳皆言非卿以地來雖賤必書紀裂繻來逆女傳曰卿為君逆知此等微國亦應有卿則應書于經徒以卑陋制不合禮失禮之例杞降為夷華耦其官君子貴之至于此等卿而不備禮亦所以見其賤也諸儒以為邾莒無命卿既自違傳劉賈又云春秋之序三命以上乃書于經穎氏以為再命稱人傳曰叔孫昭子三命踰父兄昭公十年昭子始

加三命而先此叔孫皆自見經知所書皆再命也

襄二十一年正義引釋例

內外君臣逆女例第十

案此篇永樂大典惟篇目佚今補

隱二年秋云九月紀裂繻來逆女傳曰紀裂繻來逆女卿為君逆也

七年春王三月叔姬歸于紀

桓三年秋七月云公子翬如齊逆女傳曰公子翬如

齊逆女修先君之好故曰公子

九月齊侯送姜氏于謹傳曰齊侯送姜氏非禮也傳

例曰凡公女嫁于敵國姊妹則上卿送之以禮于先

君公子則下卿送之於大國雖公子亦上卿送之於天子則諸卿皆行公不自送於小國則上大夫送之夫人姜氏至自齊冬齊侯使其弟年來聘傳曰齊仲年來聘致夫人也

八年冬十月云祭公來遂逆王后于紀傳曰祭公來

遂逆王后于紀禮也

九年春紀季姜歸于京師傳曰紀季姜歸于京師傳

例曰凡諸侯之女行唯王后書

莊元年夏單伯送王姬

二十二年冬公如齊納幣

二十四年夏公如齊送母秋公至自齊八月丁丑夫人姜氏入戊寅大夫宗婦覲用幣傳曰秋哀姜至公使宗婦覲用幣非禮也

僖五年夏公孫茲如牟傳曰夏公孫茲如牟娶焉

二十五年夏四月云宋蕩伯姬來逆婦

三十一年冬杞伯姬來求婦

文二年冬云公子遂如齊納幣傳曰襄仲如齊納幣禮也傳例曰凡君即位好舅甥修婚姻娶元妃以奉采盛孝也孝禮之始也

四年夏逆婦姜于齊傳曰逆婦姜于齊卿不行非禮

國

也君子是以知出姜之不允于魯也曰貴聘而賤逆之君而卑之立而廢之棄信而壞其主在必亂在家必亡不允宜哉詩曰畏天之威于時保之敬主之謂也

宣元年春王正月云公子遂如齊逆女傳曰公子遂如齊逆女尊君命也

三月遂以夫人婦姜至自齊傳曰遂以夫人婦姜至自齊尊夫人也

五年秋九月齊高固來逆叔姬傳曰齊高固來逆女自為也故書曰逆叔姬卿自逆也

成八年春云宋公使華元來聘傳曰宋華元來聘聘
共姬也

夏宋公使公孫壽來納幣傳曰宋公使公孫壽來納
幣禮也

冬十月云衛人來媵傳曰衛人來媵共姬禮也傳例
曰凡諸侯嫁女同姓媵之異姓則否

九年春云二月伯姬歸于宋夏季孫行父如宋致女
晉人來媵傳曰晉人來媵禮也

十年夏云五月云齊人來媵
十四年秋叔孫僑如如齊逆女傳曰宣伯如齊逆女

稱族尊君命也

九月僑如以夫人婦姜氏至自齊傳曰僑如以夫人
婦姜氏至自齊舍族尊夫人也君子曰春秋之稱微
而顯志而晦婉而成章盡而不汙懲惡而勸善非聖
人誰能修之

襄十五年春云劉夏逆王后于齊傳曰官師從單靖
公逆王后于齊卿不行非禮也

釋例曰凡稱君即位修婚姻娶元妃謂諒陰既終
嘉好之事通于內外內外之禮始備此除凶之即
位也古者諸侯之娶媵夫人及左右媵各有姪娣

皆同姓之國國三人凡九女參骨肉至親所以息
陰訟息陰訟案隱元年傳正義引所以廣繼嗣也
當時雖無其人必待年長而送之所以絕淫逸案
逸成八年正義塞非常也辭稱蠢愚不教故遣大
夫隨之而亦謂之媵臣所以將謙敬之實也夫人
薨不更聘必以姪婦媵繼室一與之醮則終身不
二所以重婚姻之禮因人倫之義人倫之義既因
上足以奉宗廟下足以繼後世此夫婦之義也天
子至尊無敵則上卿親迎而上公臨之案哀十五年
王后于齊傳云官師從單靖公既行矣唯譏卿不
行非禮也孔穎達正義云此公既行矣唯譏卿不

不行不譏王不親卿知天子當使諸侯若有故不得親迎必使宗親
上大夫為介凡內外君臣逆十六傳所以發義例
有四紀裂繻來逆女傳曰卿為君逆也齊高固來
送叔姬傳曰書送叔姬卿有逆也此外君臣來逆
女之異文也公子遂如齊逆女傳曰尊君命也公
孫茲如牟傳曰娶焉此內君臣出逆女之異文也
祭公逆王后于紀傳曰禮也此天子之異文也逆
婦姜于齊傳曰卿不行非禮也劉夏逆王后于齊
傳曰官師從單靖公卿不行非禮也知祭公如紀

時亦有卿卿不書舉重賂輕猶案邲之戰唯書卻
克林父此又天子及諸侯使公卿之文也國君之
娶必卜鄰國之吉人臣亦卜國內之耦所以美祚
胤也臣若有故而外婚則稱使以出不得稱婚卿
非君命不越境也婚禮雖奉時君之命其言必稱
先君以爲禮辭故公子翬逆女傳稱修先君之好
公子遂逆女傳曰尊君命互發其義也往必稱族
以示其重還雖在途必舍族以替之所以成小君
之尊也禮父母逆女不下堂著外成之節委之于
迎者也齊侯送姜氏經指事而書傳亦隨文而釋

以見其非也婚禮卿納幣而君親逆君有故卽使
卿逆之則書卿名以夫人至父母之國又遣使致
女所以進貞女成人禮也桓公書納幣而遣公子
翬逆女逆女踰月翬未反而公會齊侯于謹本非
親迎因接夫人直稱夫人至者爲失禮不斥言之
文也莊公顧割臂之盟宗寵孟任故卽位二十三
年乃娶元妃雖丹楹刻桷身自納幣而有孟任之
嫌故與姜氏俱反而異入所以不以至禮書也文
公既子親迎又不使卿君而卑之立而廢之故不
稱逆女皆國史叙事之宜也天子娶則稱逆王后

卿爲君逆女則稱逆女其自爲逆則稱所迎之字
案隱二年正義尊卑之別也逆稱王后而逆之曰
引釋例迎作逆
季姜伸父母之尊也天子嫁女于諸侯必使諸侯
同姓者主之諸侯嫁女于大夫必使大夫同姓者
主之尊卑不得交禮也魯諸公納幣或在卽位之
前成公娶夫人而不納幣此經闕文也貴聘而賤
逆失之微者傳猶詳之
言其不終若實不納幣非
所略也諸侯婚禮文亡以士婚禮準之不得唯止
于納幣逆女逆女納幣二事皆必使卿行卿行則
書之他禮非卿則不書也宋公使華元來聘聘不

姬
應使卿故傳但言聘共姬也使公孫壽來納幣納
幣應使卿故傳明言其得禮也娶君之婚亦唯存
納幣逆女此其義也魯自惠已上世娶于宋自桓
已下娶于齊及春秋之末襄昭定哀四公皆違其
舊三桓執政欲以削公室外援成己之私故哀公
將因越人以去三桓越人諸姜之子是季孫賂太
宰嚭以絕其計哀公不能自固出奔而死祿之去
公室亦所以禮論也杞蕩二伯皆自爲子來迎之
與求雖異然其實一也文公宣公成公夫人皆稱
婦各有姑之辭也宣公納幣雖或在卽位之前據

為襄娶不須貶責而自明故無譏文也成公逆反及夫人至最為得故詳其文丘明謂之微而顯婉而成章也宋公之娶伯姬幣聘兩備晉衛為媵蓋古婚之道故傳每為之發伯姬以賤逆婦齊人來媵皆非所應故傳亦無文也叔姬歸于紀此待年之女年滿特行故書其歸公子如齊逆女此經文文而賈氏云使翬逆女兼修艾之盟婚姻禮之大事方遣逆女無緣兼修盟會若實如此經當變文不得以逆女為使而更以修盟為實也又此年春公已會齊侯而成婚豈復須逆女之臣以申久要

翬

斯不然矣夫人孫于齊傳云不稱姜氏絕不為親止釋孫例也至于喪婚則或稱姜而不言氏或稱氏而不言姜丘明不發其例斯蓋經傳闕也

內女夫人卒葬例第十一案此篇見永樂大典其篇目亦存

隱二年冬云十二月乙卯夫人子氏薨

三年夏四月辛卯君氏卒傳曰夏君氏卒聲子也不赴于諸侯不反哭于寢不祔于姑故不曰薨不稱夫人故不言葬不書姓為公故曰君氏

僖元年秋七月戊辰夫人姜氏薨于夷齊人以歸閔二年傳曰閔公之死也哀姜與知之故孫于邾齊人

取而殺之于夷以其尸歸僖公請而葬之

冬云十有二月乙巳夫人氏之喪至自齊傳曰夫人氏之喪至自齊君子以齊人之殺哀姜也為已甚矣女子從人者也

文四年冬十有一月壬寅夫人風氏薨

五年春云三月辛亥葬我小君成風傳曰春王使榮叔來含且賵召昭公來會葬禮也

十七年夏四月癸亥葬我小君聲姜傳曰葬聲姜有齊難是以緩

宣八年冬十月己丑葬我小君敬嬴雨不克葬庚寅

日中而克葬傳曰葬敬嬴早無麻始用葛第雨不克葬禮也卜葬先遠日避不懷也

襄四年秋七月戊子夫人妣氏薨傳曰定妣薨不殯于廟無櫬不虞匝慶謂季文子曰子為正卿而小君之喪不成不終君也君長誰受其咎初季孫為已樹六槨于蒲圃東門之外匝慶請木季孫曰略匝慶用蒲圃之槨季孫不御君子曰志所謂多行無禮必自及也其是之謂乎

秋云八月辛亥葬我小君定妣

定十五年秋七月壬申妣氏卒傳曰妣氏卒不稱夫

人不赴且不祔也

九月云辛巳葬定姒傳曰葬定姒不稱小君不成喪也

哀十二年夏五月甲辰孟子卒傳曰夏五月昭夫人孟子卒昭公娶于吳故不書姓死不赴故不稱夫人不及突故不言葬小君

卒葬

莊二年秋七月齊王姬卒

四年夏云六月乙丑齊侯葬紀伯姬

二十九年冬十有二月紀叔姬卒

三十年秋云八月癸亥葬紀叔姬

僖九年秋七月乙酉伯姬卒

文十二年春云二月庚子子叔姬卒傳曰叔姬卒不言杞絕也書叔姬言非女也

成八年冬十月癸卯杞叔姬卒傳曰杞叔姬卒來歸

自杞故書

九年春王正月杞伯來逆叔姬之喪以歸傳曰杞桓公來逆叔姬之喪請之也杞叔姬卒為杞故也逆叔姬為我也

襄三十年夏云五月甲午宋災宋伯姬卒傳曰甲午

宋大災宋伯姬卒待姆也君子謂宋共姬女而不婦女待人婦義事也

秋七月叔弓如宋葬宋共姬傳曰叔弓如宋葬共姬也

右內女卒葬夫人卒葬二十四內女卒十二

錯綜其二十三以包通之釋例曰夫人喪禮有三薨則赴于同盟之國既葬日中自墓反虞于正寢所謂反哭于寢也卒哭而祔于祖姑皆然則書曰夫人某氏薨葬我小君某氏此備禮之文也妣氏卒傳曰不稱夫人不赴且

不祔也葬定妣不稱小君不成喪也然則夫人子

氏赴而不反哭故不書葬定妣則反哭而不赴故

書葬而不言小君若昭之孟子者以同姓為諱

字哀十一作闕生草其姓過而知悔也然吳之太

伯下及魯昭公于親遠矣所諱在于名義而已居

夫人之位藉小君之尊已三世矣季氏當國而不

為之服至今仲尼釋已之經國朝不成其喪以世

嫡夫人亦不書于策此季氏之咎也凡妾子為君

其母猶為夫人雖先君不命其母母以子貴其嫡

夫人薨則尊得加于臣子而內外之禮皆知夫人

矣故妣氏之喪責以小君不成案此句永樂大典
從隱三年正義成風之喪王使來會葬傳曰禮也
所引釋例改正
隱公以讓攝位釋例此句隱三年正義引故不成禮
于聲子假稱君氏以別妾媵蓋是一時之宜隱之
至義凡夫人薨失所則書地明失常也哀姜不書
姓經闕文也夫人妣氏薨葬皆以禮備為文明季
文子雖議從略賤
案襄四年傳定妣薨匹慶請木
為略孔穎達正義云釋例以略杜預集解不以道取
略賤自是解略字正義與集解別
聞匹慶之言懼
而備禮殯葬無闕也齊王姬卒魯為王比內女也
紀侯大去其國令弟納邑附齊齊侯嘉而愍之恩

及伯姬伯姬魯女也故以來告大夫會葬故齊侯
 葬紀伯姬也叔姬繼伯姬之後紀侯既卒依紀季
 居鄆貞義守節嘉而愍之故亦存弔葬之禮也子
 叔姬卒傳曰不言杞絕也書叔姬言非女也出棄
 之女及在父母之室則與既筭成人者同故亦書
 卒也昭三年傳曰昔文襄之伯君薨大夫弔卿共
 葬事夫人士弔大夫送葬宋伯姬之卒宋人義其
 待姆魯嘉其事貞節使卿送葬舉謚成禮君子嫌
 其敬過于節故以女而不婦示義經文仍舊非仲
 尼所變故亦不嫌書曰以示別之蓋丘明道達聖

旨扶春秋之義也。內女唯諸侯夫人卒乃書恩成于敵體其所嘉愍乃遣弔喪又簡于文襲之法也其非適諸侯則略之以服制相準也。生書其來而死不錄其卒從外大夫之比也。伯姬卒未適人故不稱國既笄成人故書經書孟子卒傳曰昭公娶于吳故不書姓此為昭公加諱不復繫吳改其姓號經傳因而不草也。論語謂之吳孟子蓋時人常言非經傳正文也。而賈氏以謂言孟子若言吳之長女稱吳長女既不異于同姓之長女且娶同姓長之與少未聞其異無所為別也。又齊侯葬紀伯

姬不書諡者蓋亡國之婦夫妻皆降莫為之諡也。而賈許方以諸侯禮說又失之也。禮公子為其母練冠緜緣既葬除之及其嗣位為君非復公子嫡母薨則伸其母尊而先儒同之公子亦繆矣。

侵伐襲例第十二

案此篇見永樂大典惟篇目佚今補

釋例曰侵伐襲者師旅討罪之名也。鳴鐘鼓以聲其曰伐寢鐘鼓以入其境曰侵掩其不備曰襲此所以別興師用兵之狀也。其但稱圍救舉實而言也。周禮萬二千五百人為軍二千五百人為師五百人為旅傳曰君以軍行救社釁鼓又曰嘉好

之事君行師從卿行旅從然春秋不書師旅一皆
曰師從衆辭也大夫將滿師稱師不滿稱人而已
卿將滿稱師案此句隱二年正義引釋例作卿不
滿則直書名氏君將不言帥師卿將不言師旅此
史策記注之常也案隱公二年正義云鞏之伐鄭溺
之伐衛固請專命王命伐宋羽父不待君以速進
案待字隱十年正義引釋例作匡而先會二國自以為名故皆敗
去其族齊為侯伯鄭伯又為王卿士二君奉王命
以討宋惡羽父之專進故使與微者同伐動而無
功故無成敗也老桃之會而不同伐公既獨敗宋

師鄭乃尋其未蹤事同一時故不重告于廟也齊
侯衛侯鄭伯來戰于郎夫子善魯人之秉周班惡
三國之伐有禮故正王爵以表周制去侵伐以見
無罪此聖人之所以扶獎王室敦崇大教故改常
例以特見也衛孔達為政不恭背盟主興兵于鄰
國受討喪邑窘而告陳雖從陳之謀僅得自定以
謀而濟故君子但明言合古而不釋其尤也秦伯
終用孟明而致敗敗而罪己赦其闕而養其志孟
明增修其德以霸西戎夫子嘉之故于伐秦之役
貶四國大夫四國大夫奉君命而行今以一義變

例故稱尊秦謂之宗德明罪不在四國大夫也傳稱秦伯伐晉既嘉孟明以善稱穆公又曰遂伯西戎而經書秦人知稱人非諸侯之褒貶也鄭受楚命伐宋大敗宋師獲其上卿案上字宣元年正此晉之不競也晉于是申命衆國大起其衆將以雪宋之耻取威定霸趙盾爲政而畏鬪椒之威案宣二年正義引釋例此句不敢遂其所志託辭班師失宋之心孤諸侯之望楚之囊瓦爲吳所誘以喪軍師皆所以致貶也子重興鐘鼓以救彭城而實使輕軍與鄭人侵之故經以實事稱人書侵而傳本其

始發言伐也諸經傳異文而非例所及者其義皆然陳蔡楚之與國鄭欲求親于晉故伐而入之晉士莊伯詰其侵小且問陳之罪子產答以東門之役故免于譏及其侵蔡既無晉命案命字襄八年正義引釋例作令又無直辭君死主少興師以求媚于晉義取亂略不能以德懷親又不能以直報怨故二大夫異于子產也陳之見伐本以助晉晉不逆勞而以法詰之得盟主道理故仲尼曰晉爲伯鄭入陳非文辭不爲功善之也戎之侵魯魯人不知去而遠追又無其獲邊境不備侯不在疆所以爲諱也諱此

君之闕亦所以示戒于將來之君也楚人棄君助
臣取宋彭城以封叛者削正興偽雖非復宋地故
追書繫宋不與楚人之所得入也虎牢鄭之郊境
晉人既有之矣又城而居之將以脅鄭鄭畏偪而
強服過楚而復叛八年之間一南一北至于數四
晉悼慮其未已故大城置戍先以示威鄭服之曰
釋戍以歸之案襄十一年正義德立刑行故能終有
鄭國春秋探書其本意案襄十一年正義作心善之也三
都強盛以奪三家之權陪臣執政下陵上替故仲
由隲之而仲尼弗禁帥師登臺僅不相克案此二句

春

作正義引釋例

直隨事而書以示三家之疆無義

例也晉伐鮮虞文無主帥既例所不及麻隧實戰
而但書伐欲以為不告則時公在帥欲以為諱伐
無罪則秦直晉曲欲以為無功諱負則秦師敗績
此皆經文闕漏傳文獨存也賈氏以晉直秦曲無
辭不得敵有辭故不書戰而韓之戰秦直晉曲宋
之戰魯義而宋不信亦皆書戰事類甚多此既不
安又師者是人衆之通言取而復為義云諸經稱
師皆以明用師之義晉師滅潞則曰得用師之道
楚師滅陳則曰失用師之道文體適國一善一惡

諸稱師者百六十四患不能通則但為稱師而不見將帥之主數條生義此為更在將帥與不復在師也俱是戰伐之事亦俱稱師其人存其事顯則所責明其人沒而但稱師則所責隱仲尼曷為舍此而明彼言左氏不明義例不以為義例則異同詳略皆本史也而諸君區區溺意于亂文欲于無義之中求義無異施綿緼以為縑絹用櫛比于氈毛也

春秋釋例卷二

春秋釋例卷三

晉

杜

預

撰

災異例第十三

案此篇永樂大典全關

釋例曰物者雜而言之則昆蟲草木之類也大而言之則歲時日月星辰之謂也歲者水旱饑饉也時者寒暑風雨雷電雪霜也日月者薄食夜明也星辰者彗孛實錯失其次也山崩地震者陽伏而不能出陰迨而不能升也凡天反其時地反其物以害其物性皆為妖災宣引釋例正天人之際或異而無感或感而不可知沙鹿崩固謂期年必有

大咎梁山崩則云山有朽壤而自崩此皆聖賢之
譏言達者所宜先識僖十四年正義引釋例陳既已滅降為
楚縣而書陳災者猶晉之梁山沙鹿崩不書魯也
災害係于所災所害故以所在為名僖十四年正義引釋例案
宣十五年傳民反德為亂正義云民謂人也感動
天地皆是人君感之非庶民也昭七年傳曰國無
政不用善則自取謫于日月之災言以政取謫是
其由君不由民以民表人故釋例引此即改民為
攷是釋例全文附錄于此從
崩薨卒例第十四案此篇見永樂補
隱十一年冬十有一月壬辰公薨傳曰壬辰羽父使
賊弒公子為氏不書葬不成喪也

桓十八年夏四月丙子公薨于齊傳曰公會齊侯于
濼遂及文姜如齊齊侯通焉公謫之以告夏四月丙
子享公使公子彭生乘公公薨于車
閔二年秋八月辛丑公薨傳曰秋八月辛丑共仲使
卜齋賊公于武闈
僖三十三年冬十有二月云乙巳公薨于小寢傳曰
冬云公薨小寢即安也
成十八年秋云八月云己丑公薨于路寢傳曰己丑
公薨于路寢言道也
昭三十二年冬云十有二月己未公薨于乾侯傳曰

己未公薨云書曰公薨于乾侯言失其所也
隱七年春王三月云滕侯卒傳曰春滕侯卒不書名
未同盟也傳例曰凡諸侯同盟于是稱名故薨則赴
以名告終稱嗣也以繼好息民謂之禮經
桓五年春正月甲戌己丑陳侯鮑卒傳曰春正月甲
戌己丑陳侯鮑卒再赴也于是陳亂文公子佗殺太
子免而代之公疾病而亂作國人分散故再赴
僖四年夏許男新臣卒傳曰許穆公卒于師葬之以
侯禮也傳例曰凡諸侯薨于朝會加一等死王事加
二等于是有以哀斂

二十三年冬十有一月杞子卒傳曰杞成公卒書曰
子杞夷也不書名未同盟也傳例曰凡諸侯同盟死
則赴以名禮也赴以名則亦書之不然則否避不敏
也

二十七年夏六月庚寅齊侯昭卒傳曰夏齊孝公卒
有齊怨不廢喪紀禮也

文三年夏五月王子虎卒傳曰夏四月乙亥王叔文
公卒來赴弔如同盟禮也

成十三年夏五月云曹伯廬卒于師傳曰公會晉侯
伐秦云曹宣公卒于師

襄六年春王三月壬午杞伯姑容卒傳曰杞桓公卒
始赴以名同盟故也

七年冬云十有二月云鄭伯髡頑如會未見諸侯丙
戌卒于郟傳曰及將會于鄆云及郟子駟使賊夜弑
僖公而以瘞疾赴于諸侯

十二年秋九月吳子乘卒傳曰秋吳子壽夢卒臨于
周廟禮也傳例曰凡諸侯之喪異姓臨于外同姓于
宗廟同宗于祖廟同族于禰廟是故魯為諸姬臨于
周廟為凡將邢第昨祭臨于周公之廟

昭元年冬十有一月己酉楚子麇卒傳曰楚公子圍

將聘于鄭云聞王有疾而還云入問王疾縊而弑之

云葬王于邲謂之邲教

三年春王正月丁未滕子原卒傳曰丁未滕子原卒
同盟故書名

六年春王正月杞伯益姑卒傳曰杞文公卒弔如同
盟禮也

二十五年冬云十有一月己亥宋公佐卒于曲棘傳
曰宋元公將為公故如晉云己亥卒于曲棘

三十一年夏四月丁巳薜伯穀卒傳曰薜伯穀卒同
盟故書

定四年夏云五月杞伯成卒于會

十四年夏云五月云吳子光卒傳曰吳伐越越子勾

踐禦之陳于檇李云靈姑浮以戈繫闔閭闔閭傷將

指取其一履還卒于陘去檇李七里

哀十年春云三月戊戌齊侯陽生卒傳曰公會吳子

伐齊云齊人弒悼公赴于師吳子三日哭于軍門之

外

昭二十二年冬十月王子猛卒傳曰十一月乙酉王

子猛卒不成喪也

莊三十二年冬十月己未子般卒傳曰子般即位次

于黨氏冬十月己未共仲使圉人犛賊子般于黨氏

文十八年冬十月子卒傳曰冬十月仲殺惡及視而

立宣公書曰子卒諱之也

襄三十一年秋九月癸巳子野卒傳曰毀也

右崩薨卒一百五十錯綜其三十一以包通之

釋例曰天子曰崩諸侯曰薨大夫曰卒古之制也

春秋所稱曲存魯史之義內稱公而書薨所以自

尊其君則不得不略外諸侯書卒以自異也至于

既葬雖邾許子男之君皆稱謚而言公谷順臣子

之辭兩通其義也諸侯同盟皆稱名以接神故薨

則臣子必以名赴同盟之國告亡君之終稱今君
之嗣好惡由之故傳曰有齊怨不廢喪紀禮也盟
載之辭下逮子子孫孫當奉而弗忘故云繼好好
同則相親相親則不爭故曰息民也杞子降爵嫌
有異同故傳重發不書之例又更發凡者以明雖
費赴有法若或違之國史亦承告而書不必改正
也杞伯姑容未與襄同盟而事逮其父王子虎又
未接于文嘗與僖同盟故皆用同盟之禮蓋繼好
之義也嫌于赴非所盟之君又天子公卿其禮或
異故傳曰始赴以名同盟故也又曰弔如同盟名

以正所疑也赴以名亦書之者謂諸侯雖不同盟
或以名赴也不然則否避不敏者謂雖同盟而赴
不以名則亦不書各以審違謬也益姑之卒傳重
復發者有奪田之忿而不廢喪紀故稱禮以明之
也陳人再赴兩書其日齊緩告亂書以十二月天
王偽赴遂用其虛明日月闕否亦從赴辭子駟實
弒僖公赴以瘡疾而經從之楚弒邲敖齊弒陽生
皆其類也君子不變其文以慎其疑案二句永樂
大典無二其
字從隱三年正
義所引釋例增且虛實相生隨而表之真偽之情
可以兩見承赴而書之亦所以示將來許穆公卒

于師吳子壽夢卒臨于周廟公登觀臺必書雲物
傳皆發凡以言例經皆無異議諸若此蓋周之舊
禮傳因事以存于經則常事不書也若卒于朝會
或書師或書地者史之成文非義例所有也至于
魯公之薨則皆書地成公薨路寢傳稱得道昭薨
乾侯言失其所詳內事謹凶變也其未成君而卒
者案莊二年正義君未葬則嗣子書名在喪之禮
也引釋例者作君既葬則嗣君諒闇羣臣復吉免喪服則禮成也
案此句莊三十二年正義引釋例作則成君也文公既葬襄仲殺惡及視
書曰子卒與未成君同文所以為諱也公子惡魯

之正適嗣位免喪則魯君也襄仲倚齊而弑之國
以為諱故不稱君若言君之子也及子般子野或
見殺或不勝喪言罪則不足成貶為孝而滅性故
直略而書卒也案自公子惡魯三十二年正義所
引釋惡視猶不顯則知隱閔二公稱薨桓不稱弑
亦諱之也臣之事君猶子之事父也微諫見志造
膝說辭執其是而諫其非案諫其非三字永樂大
所補入不必其得蓋匡救將然而將順其已然故
有隱諱之義焉至于激節之士則不然南史執簡
而累進董狐書法而不隱鬻拳劫君而自刎晏嬰

端委而引直賢聖亦錄而善之所以廣義訓傳大道殷有三仁此之謂也劉賈許穎復于薨卒生例云日月詳者弔贈備日月略者弔有關傳無此辭非載大夫卒例

書弒例第十五 案此篇永樂大典全闕

釋例曰天生民而樹之君使司牧之羣物所以繫命也故戴之如天地親之如父母仰之如日月事之如神明其或受雪霜之嚴雷電之威則奉身歸命有死無貳故傳曰君天也天可逃乎此人臣所執之常也然本無父子自然之恩未有家人習翫

之愛高下之隔懸殊壅塞之否萬端是以居上者降心以察下表誠以感之然後能相親也若高亢自肆羣下絕望情義圯隔是謂路人非君臣也人心苟離則位號雖存無以自固故傳例曰凡弒君稱君君無道稱臣臣之罪稱君者惟書君名而稱國稱人以弒言衆之所共絕也稱臣者謂書弒者名以垂來世終為不義而不可赦也然君雖不君臣不可以不臣故宋昭之惡罪及國人晉荀林父討宋曰何故弒君猶立文公而還深見貶削諸懷賊亂以為心者固不容誅也若鄭之歸生齊之

陳乞楚之公子比雖本無其心春秋之義亦同大罪是以君子慎所以立也諸侯不受先君之命而篡立得與諸侯會者則以成君書之齊商人葉侯般之屬是也若未得接于諸侯則不稱爵楚公子棄疾殺公子比蔡人殺陳佗齊人殺無知衛人殺州吁公子瑕之屬是也諸侯篡立雖以會諸侯為正此列國之制也至于國內策名委質即君臣之分已定故諸殺不成君者亦與成君同義也傳曰會于平州以定公位又云若有罪則君列諸會矣此以會為斷也經書趙盾弑君而傳云靈公不君

又以明于例此弑宜稱君也弑非趙盾而經不變文者以示良史之意深責執政之臣傳故特見仲尼曰越境乃免明盾亦應受罪也醫不三世不服其藥古之慎戒也人子之孝當蓋心嘗禱而已藥物之劑非所習也許止身為國嗣國非無醫而輕果進藥故罪同于弑二者雖原其本心而春秋不赦其罪蓋為教之遠防也楚靈無道于民于例當稱國以弑公子比首兵自立楚衆散歸而靈王縊死故以比為弑王也比既得國國人驚亂棄疾從而扇之比懼自殺皆棄疾之由故書公子棄疾殺

公子比也左氏義例止此而已其餘小異皆從赴也劉賈許穎以為君惡及國朝則稱國以弑君惡及國人則稱人以弑案傳鄭靈宋昭經文異而例同故重覆以同之子弑其父又嫌異于他臣亦重明其不異既不碎辨國之與人而傳云莒紀公多行無禮于國太子僕因國人以弑之經但稱國不稱人知國之與人雖言別而事一也宣四年正義引釋例先儒旁采二傳橫生異例宋之蒙澤楚之乾谿俱在國內國公之弑則以不書蒙澤國內為義楚弑靈王復以地乾谿為失所明仲尼本不以為義例則

丘明亦無異文也

莊十二年正義引釋例

經書宋督弑其君

與夷及其大夫孔父仲尼丘明唯以先後見義無孔父之文孔父為國政則取怨于民治其家則無閨闈之教身先見殺禍遂及君既無所善仇牧不警而遇賊又死無忠事晉之荀息則欲復言本無大節先儒皆隨加善例又為不安經書臣蒙君弑者有三直是弑死相及即實為文仲尼以督為有無君之心改書一事而已無他例也桓二年正義引釋例

及會例第十六

案此篇全關

釋例曰與謀者同志之國彼我之計未定相與共

誅講議利害計成而後行之故以相連及為文不與謀而出師者謂不得已而應命故以外合為文皆據魯而言之也公親會齊侯伐萊而傳以師出示例所以通卿大夫帥師者也魯既春會于曹以謀伐鄭夏遂起師而史從不與謀之文者厲公篡太子忽之位謀而納之非正故諱之從不與謀之例若夫盟主之合則上行乎下非匹敵和成之類故雖或先謀皆從不與謀之例成八年晉士燮來聘且言將伐郟下云會伐郟是也凡乞師者深求過禮之辭執謙以偪成其討故雖小國乞之于大

國大國乞之于小國亦皆從不與謀之例臧宣叔卻錡是也傳以師出為例是惟繫于戰伐而劉許賈穎濫以經諸及字為義本不在例今欲強合之所以多相錯亂也宣七年例凡師能左右之曰以為求助于諸侯而專制其用征伐進退帥意而行故變會及之文而曰以施于匹敵相用者若霸主之命則上行于下非例所及也吳雖大國順蔡侯之請自將其衆唯蔡侯之命故亦言以吳子也傳例稱師則諸不言師者皆不用以為例也以之于言所涉甚多劉賈許穎既不守例為斷又不能盡

通諸以唯雜取晉人執季孫以歸劉子單子以王
猛居于皇尹氏召伯毛伯以王子朝奔楚隨示以
義數事而已又云諸稱以皆小以大下以上非其
宜也尋案晉侯以季孫歸又非下以上也荆以蔡
侯歸亦非小以大也

僖二十六年正義引釋例

蒐狩例第十七

案此篇見永樂大典惟篇目佚今補

釋例曰以不教民戰是謂棄之故傳曰春蒐夏苗
秋獮冬狩皆于農隙以講武事也三年而治兵習
戰備也入而振旅治兵禮畢整衆而還也歸而飲
至告于廟也所以數軍實昭文章明貴賤順少長

辨等列習威儀也晉侯登有莘之墟以望曰少長
有禮此之謂也田狩必有三驅之禮以備四時之
祀鳥獸之肉不登于俎骨角毛羽不登于器則君
不舉出必告于廟獲必用于廟于是乃書椒舉稱
寡君屬有宗祧之事于武城此事之謂也凡天子
諸侯田狩皆于其封內傳曰鄭之有原圃猶秦之
有具圃不越國而取諸人隱公觀魚于棠棠實他
境故傳云遠地

案隱五年正義引釋例云舊說棠魯地據傳公辭欲畧地則非魯境

也今釋例無此河陽實已屬晉非王狩所在故言
非其地也且明德也義在隱其召君之闕也丘明

以
為傳所以為仲尼之也而河陽之狩趙盾之弑
泄冶之罪于此三事特稱仲尼者危疑之理順聖
言以明之聖人之辭可能使人信之賢者之辭則
不能此其義也三王異正朔而夏數為得天雖在
周世于言特舉事皆據夏正故公以春狩于郎而
傳曰書時禮也焚咸丘魯地非蒐狩常處經不言
蒐狩但稱焚咸丘言火田盡物非蒐狩之義也紅
之蒐傳言草車千乘祈示大蒐也而經不書大諸
事同而文異傳不曲言經義者直是時史之闕畧
仲尼略而從之春秋不可錯綜經文此之類也劉

賈穎云蒐于紅不言大者言公大失權在三家也
十一年蒐于比蒲經書大蒐復云書大者言大眾
盡在三家隨文造意以非例為例不復知其自違

也

案紅之蒐下永樂大典無之從
昭八年正義所引釋例補入

廟室例第十八
案此篇見永樂大典惟篇目佚今補

釋例曰太廟有八名其體一也肅然清靜謂之清
廟行禘祫序昭穆謂之太廟告朔行禮謂之明堂
行鄉射養國老謂之辟雍占雲物望氣祥謂之靈
臺其四門之學謂之大學其中室謂之太室總謂
之合宮諸儒皆以廟學為一鄭氏以為異處案自此以

上孔穎達詩靈臺疏引之以為類容釋太室之屋
例永樂大典以為杜氏之文未知何據
國之所尊朽而不繕久旱遇雨乃遂頽頽不共之
甚故特書之案自太室之屋以下永樂大典無新
宮災者宣公之廟父廟也諒闇始闋而遇天災故
感而哭之以致哀異于餘廟也案自新宮災者以

從成三年正義
所引釋例增

土功例第十九

案此篇見永樂大典惟篇目佚
今補敬鉉預明三傳例說略補

釋例曰都邑者民之聚也國家之藩衛百姓之保
障不固則敗不修則壞故雖不臨寇必于農隙備
其守禦無妨民務傳曰龍見而畢務成事也謂夏

之九月周之十一月龍星角亢晨見東方于是納
其禾稼三務始畢而戒民以土功事也火見而致
用大火星次角亢而晨見于是致其用也水昏正
而裁謂夏之十月定星昏而中于是樹板幹而興
作焉日至而畢謂日既南至微陽始動故土功息
傳既稱凡例而書時書不時各重發者皆以別無
備而興作如書早雩之別過雩也冬城西郭傳特
曰懼齊此其意也案冬城西郭以下永樂大典無
之從莊三十九年正義所引釋
例冬城防臧武仲請俟畢農事故傳曰書事時言
興作出火見致用之前亦得兼以事時即禮也案

十三年正義云此冬城防經傳皆不言月嘗在火見致用之前當時農收差旱雖天象未至而民事已間言時節未是時而事已得時故言書事時也凡城都築邑國之大事是以春秋詳其得失救患分災恤病備難有為而然則不拘時制諸侯以夏城邢傳稱得禮正月城楚丘而魯諱後期此其義也浚洙有深之也冬興功而傳無亦得其時築之為例唯以都邑為別至于他土功之事則通用時例總謂之築築鹿囿郎臺王姬之館是也周禮四縣為都四井為邑此周公本制小大之別也若邑有先君之宗廟則雖小曰都尊其所居而大之也然則都而無廟固宜稱

城城漆是也而穎氏唯繫于有先君之廟悉漆本非魯邑也因說曰漆有邾之舊廟是使魯人尊邾之廢廟與先君同非經傳意也桓十六年冬城向傳曰書時也案其下月似城向在建酉之月以經傳事類相推則通在下建成之月丘明發書時之傳不悞也其說具見長歷也案自冬城防以下永樂大典無之從敬鉉續明三傳例說略補入

歸獻例第二案此篇永樂大典全闕釋例曰歸者遺也獻者自下奉上之稱遺者敵體相與之辭傳曰諸侯不相遺停齊侯楚人失辭稱

獻失禮遺俘故因其來辭見自卑也以其太卑故
書以示遇正義引釋例齊人來歸衛寶公年穀梁
經傳及左氏傳皆同唯左氏經獨言衛俘者三家
經傳有六而其五皆言寶此必左氏經之獨誤也

莊六年正義引釋例

歸入納例第二十一

案此篇見永樂大典惟篇目佚今補

桓十五年夏云云五月云云許叔入于許隱十一年傳曰
鄭伯使許大夫百里奉許叔以居許東偏云云桓十五
年傳曰許叔入于許

秋九月鄭伯突入于櫟傳曰秋鄭伯因櫟人殺檀伯

而遂居櫟

莊六年夏六月衛侯朔入于衛五年傳曰冬伐衛納
惠公也六年傳曰春王人救衛夏衛侯入放公子黔
牟于周放甯跪于秦殺左公子洩右公子職乃即位
九年夏云云齊小白入于齊傳曰夏公伐齊納子糾桓
公自莒先入

二十四年秋云云八月丁丑夫人姜氏入傳曰秋哀姜
至

成十八年夏云云宋魚石復入于彭城傳曰楚子辛鄭
皇辰侵城郟取幽丘同伐彭城納宋魚石向為人鱗

朱向帶魚府馬以三百乘戍之而還書曰復入傳例
曰凡去其國國逆而立之曰入復其位曰復歸諸侯
納之曰歸以惡曰復入

襄二十三年夏云晉欒盈復入于晉傳曰欒盈即曲
沃之甲因魏獻子以書入于絳云

二十五年秋八月云衛侯入于夷儀傳曰晉侯使魏

舒宛沒逆衛侯將使衛與之夷儀云衛獻公入于夷儀

三十年秋七月云鄭良霄出奔許自許入于鄭鄭人殺

良霄傳曰癸丑晨自墓門之瀆入因馬師頡介于襄
庫以伐舊北門駟帶率國人以伐之云伯有死于羊肆

昭二十二年秋劉子單子以王猛入于王城傳曰冬

十月丁巳晉籍談荀躒帥九州之及焦暇溫原之

師以納王于王城

二十六年冬十月天王入于成周傳曰召伯逆王于

尸云癸酉王入于成周

定十一年秋宋樂大心自曹入于蕭傳曰宋公母弟

辰暨仲他石彊公子他入于蕭以叛秋樂大心從之

大為宋患寵向魍故也

桓十七年秋八月蔡季自陳歸于蔡傳曰蔡桓侯卒

蔡人召蔡季于陳秋蔡季自陳歸于蔡

侯

閔元年秋八月云季子來歸傳曰秋八月公及齊侯盟于落姑請復季友也齊侯許之使召諸陳公次于郎以待之季子來歸嘉之也

僖二十八年夏云六月衛侯鄭自楚復歸于衛傳曰

衛聞楚師敗懼出奔楚云使元咺奉叔武以受盟云

六月晉人復衛侯甯武子與衛人盟于宛濮云衛侯

先期入

冬曹伯襄復歸于曹傳曰晉侯有疾曹伯之豎侯儒

貨筮史使曰以曹為解云公說復曹伯

三十年秋云衛侯鄭歸于衛傳曰晉侯使醫衍酖衛

衛侯

侯甯俞貨醫使薄其酖不死公為之請納玉于王與

晉侯皆十穀王許之秋乃釋衛侯使賂周款治廛云

殺元咺及子適子儀

成十四年夏衛孫林父自晉歸于衛傳曰晉侯使卻

犇送孫林父而見之

十五年秋八月云宋華元自晉歸于宋傳曰魚石曰

右師苟獲反雖許之討必不敢且多大功國人與之

不反懼桓氏無祀于宋也云魚石自止華元于河上

請討許之乃反

十六年秋云曹伯歸自京師傳曰曹人復請于晉晉

侯謂子臧反吾歸而君子臧反曹伯歸

襄二十六年春王二月云云甲午衛侯衍復歸于衛傳

曰衛獻公使子鮮為復辭云云子鮮不獲命于敬妣以

公命與甯喜言曰苟反政由甯氏祭則寡人云云二月

庚寅甯喜右宰穀伐孫氏云云辛卯殺子叔及太子角

云云甲午衛侯入書曰復歸國納之也

昭十三年夏四月楚公子比自晉歸于楚弑其君處

于乾谿傳曰觀從以蔡公之命召子于子皙及郊而

告之情強與之盟入襲蔡云云依陳蔡人以國云云以入楚云云

公子比為王云云夏五月癸亥王縊于芊尹申亥氏

秋云云八月云云蔡侯廬歸于蔡傳曰平王即位既封陳

蔡而皆復之禮也隱太子之子廬歸于蔡禮也

陳侯吳歸于陳傳曰悼太子之子吳歸于陳禮也

定十三年冬云云晉趙鞅歸于晉傳曰韓魏以趙氏為

請十二月辛未趙鞅入于絳盟于公宮

隱八年春云云三月鄭伯使宛來歸祊庚寅我入祊傳

曰鄭伯請釋泰山之祀而祀周公以泰山之祊易許

田三月鄭伯使宛來歸祊不祀泰山也

宣十年春云云齊人歸我濟西田傳曰春公如齊齊侯

以我服故歸濟西之田

成八年春晉侯使韓穿來言汶陽之田歸之于齊

定十年夏云齊人來歸鄆謹龜陰田

哀八年冬十有二月云齊人歸謹及闡傳曰十二月

齊人歸謹及闡季姬嬖故也

僖二十五年秋楚人圍陳納頓子于頓傳曰楚令尹

子玉追秦師弗及遂圍陳納頓子于頓

宣十一年冬云丁亥楚子入陳納公孫寧儀行父于

陳傳曰冬楚子為陳夏氏亂故伐陳云因縣陳云乃

復封陳云故書曰楚子入陳納公孫寧儀行父于陳

書有禮也

昭十二年春齊高偃帥師納北燕伯于陽傳曰春齊

高偃納北燕伯欵于唐因其衆也

哀二年夏四月云晉趙鞅帥師納衛世子蒯聵于戚

傳曰晉趙鞅納衛太子于戚云使太子統八人衰經

偽自衛逆者告于門哭而入遂居之

釋例曰凡去其國者通謂君臣及公子母弟也國

逆而立之本無位則稱入本有位則稱復歸齊小

白入于齊本無位也衛侯鄭復歸于衛復其位也

諸侯納之有位無位皆曰歸衛孫林父蔡季是也

身為戎首則曰復入晉欒盈是也皆所以明內外

之援案皆字成十八年正義引釋辨逆順之辭故
經正魚石衛衍以表舊制傳稱凡例總而明之也
衛人逆公子晉于邢宜稱入善其得衆公子友忠
于社稷國人思之案此句成十八年正義故閔公
爲落姑之盟以復之夫衛之公子晉絕位而在邢
魯之季子勢弱而出奔成得民望享國有家是以
聖人貴之殊其文也莊六年五國諸侯杞逆王命
以納衛朔大其事故字王人謂之子哭案孔穎達
義云再命三命皆書名一命乃稱人周禮王之進
士三命而趙稱字者王之稱王下士也進
異耳進名而趙稱字者王之稱王下士也進

逆

稱字也以弼懼有違衆之危案莊六年正義引而以
國逆告華元實國逆欲挾晉以自助故以外納赴
春秋從而書之以示二子之情也韓魏有隅國之
強陳蔡有復國之端故晉趙鞅楚公子比皆稱歸
從諸侯納之例也言非晉楚之所能制也侯孺愛
君以請故曹伯有國逆之辭許始復國故許叔有
國之文此皆時史因周典以起時事之情也傳例
稱諸侯納之曰歸今檢經諸稱納者皆有與師見
納之事不須例而自明故但言納而不復言歸也
邾有成君晉趙盾不度于義而大興諸侯之師步

邾之境見辭而退雖有服義之善所興者廣所害者衆故貶稱人衛侯鄭曹伯負芻皆見執在周晉魯請而復之鄭稱歸于衛負芻稱歸自京師所發事同而文異者例意本在于歸不以他文為義也賈氏又以為諸歸國稱所自之國所自之國有力也案楚公子比去晉而不逆是無援于外而經書自晉陳侯吳蔡侯廬皆平王所復案復字成十八年正義引釋例封可謂有力于楚而不言自楚此既明證又春秋稱入其例有二施于師旅則曰不地在復歸則曰國逆國逆而立又以為例案此二釋例昭二十一年正義引釋例作國逆又

以立逆而不立則皆非例所及鄭之良霄以寇而為例入則見殺而復例之案則字成十八年正義引釋例作即字例稱凡去其國明非天子之制也周敬王王子猛不書出而書入襄王書出而不書入凡自周無出故非春秋舊例也諸在例外稱入直是自外入內案是字永樂大典無之從桓十五年正義所引釋例增十記事者常詞義無所取而賈氏雖夫人姜氏之入皆以為例如此甚多又依倣穀梁云稱納者內難之詞因附曾諸納為義至于納北燕伯于陽傳稱因其衆窮不能通乃云時陽守距難故稱納此人無證經書楚人圍陳納

頓子于頓則頓國之所欲也北燕伯傳有因衆之
文不可言內難也又書納公孫寧儀行父于陳言
書有禮不可言內難也陳縣而見復上下交驩二
人雖有淫縱之闕今道楚匡陳賊討君葬威權方
盛傳稱其禮理無內難案此二句宣十一年正義
引釋例作傳稱有禮理無
難所此皆先儒說之不安也

班序譜第二十二案此篇永樂大典全闕其篇目
則見桓十六年孔穎達正義
釋例曰周之宗盟異姓為後故踐土之盟載書齊
宋雖大降于鄭衛斥周而言指謂王宮之宰臨盟
者也其餘雜盟未必皆然踐土召陵二會皆蔡在

衛上諸國次之至盟乃正其高下者敬恭明神本
其始也僖二十八年正義引釋例魯為春秋主常列諸侯上非
其實次也子帛卿也依魯大夫之比列于莒上故
傳曰魯故也叔孫豹曰宋衛吾匹也又曰諸侯之
會寡君未嘗後衛君是魯在衛上也宋既先代之
後又襄公一合諸侯以紹齊桓之伯宋在齊上則
魯次宋也莊十四年正義引釋例自隱至莊十四年四十三
歲征伐盟會者凡十六國時無霸主會同不并無
以成序其間蔡與衛凡七會六在衛上唯此處在
陳下故以為蓋後至也桓十六年正義引釋例班
序譜案桓十六年夏四

月公會宋公衛侯陳侯蔡侯伐鄭正義云諸侯自
 之序以大為次蔡此處在陳下故以為後至自
 隱至莊十四年四十三歲衛與陳凡四會衛在陳
 上自莊十五年盡僖十七年三十五歲凡六會陳
 在衛上莊十六年正義引釋例班序譜案莊十
 六年冬十月有二月會齊侯宋公陳侯衛侯
 鄭伯許男骨伯膝子同盟于幽杜集解云陳國小
 每盟會皆在衛下齊桓始霸楚亦始強陳侯介二
 大國之間而為三恪之容故齊桓既沒宋楚
 因而進之遂班在衛上終于春秋齊桓既沒宋楚
 爭盟起僖十八年盡二十七年陳與蔡凡三會在
 蔡上楚合諸侯蔡與陳凡六會其在陳上昭四
 年正義云楚晉合諸
 侯義引釋例班序譜案昭四年正義云楚晉合諸
 侯以大小為序不進陳班昭蔡多在陳上二十國起僖二十八年盡哀十四年大率皆陳

後次蔡蔡後次衛襄二十七年正義
 引釋例班序譜

公行至例第二十三案此篇見永樂大典
 惟篇目佚今補

桓二年秋云云九月云云公及戎盟于唐傳曰公及戎盟

于唐修舊好也

冬公至自唐傳曰冬公至自唐告于廟也傳例曰凡
 公行告于宗廟及行飲至舍爵策勳焉禮也特相會
 往來稱地讓事也自參以上則往稱地來稱會成事也
 十六年夏四月公會宋公衛侯陳侯蔡侯伐鄭十五
 年傳曰冬會于袤謀伐鄭將納厲公也弗克而還十
 六年傳曰夏伐鄭

秋七月公至自伐鄭傳曰秋七月公至自伐鄭以飲至之禮也

十八年春王正月公會齊侯于濼公與夫人姜氏遂如齊夏四月丙子公薨于齊丁酉公之喪至自齊莊二十三年夏公如齊觀社傳曰公如齊觀社非禮也

公至自齊

二十四年夏公如齊逆女秋公至自齊

二十七年春公會杞伯姬于泚傳曰公會杞伯姬于泚非事也天子非展義不巡狩諸侯非民事不舉卿

非君命不越境

僖十六年冬十有二月公會齊侯宋公陳侯衛侯鄭伯許男邢侯曹伯于淮

十七年夏滅項云云九月公至自會傳曰淮之會公有諸侯之事未歸而取項齊人以為討而止公秋聲姜以公故會齊侯于卞九月公至書曰至自會猶有諸侯之事焉且諱之也

二十八年冬公會晉侯齊侯宋公蔡侯鄭伯陳子莒子邾子秦人于溫遂圍許
二十九年云云公至自圍許

宣五年春公如齊夏公至自齊傳曰春公如齊高固使齊侯止公請叔姬焉夏公至自齊書過也

七年冬公會晉侯宋公衛侯鄭伯曹伯于黑壤傳曰晉侯之立也公不朝焉又不使大夫聘晉人止公于會盟于黃父公不與盟以賂免故黑壤之盟不書諱之也八年春公至自會

襄十年春公會晉侯宋公衛侯曹伯莒子邾子滕子薛伯杞伯小邾子齊世子光會吳于柤夏五月甲午遂滅偃陽傳曰春會于柤會吳于壽夢也云晉荀偃士匄謂伐偃陽而封宋向戌焉云甲午滅之書曰遂

滅偃陽言自會也

公至自會

十二年冬云公如晉傳曰公如晉朝且拜士魴之辱禮也

十三年春公至自晉傳曰公至自晉孟獻子書勞于廟禮也

昭二十五年秋云九月己亥公孫于齊次于陽州

二十六年三月公至自齊居于鄆傳曰三月公至自齊處于鄆言魯地也

二十七年春公如齊公至自齊居于鄆傳曰公如齊

公至自齊處于鄆言自外也

定十二年冬云十有二月公圍成傳曰將墮成公歛

處父請孟孫墮成齊人必至于北門且成孟氏之保

障也無成是無孟氏也子不知我將不隨冬十二

月公圍成弗克

公至自圍成

右公行一百七十六書至者八十二錯綜其

二十九以包通之

釋例曰凡公出朝聘奔喪會葬皆但書而不言其

事此春秋之常案凡公出以下二十二年正義所引大

補釋入經書公行及至皆因告于廟書之于策桓二

年公至自唐傳曰告于廟也然則凡盟有一百五

公行一百七十六書至者八十二案盟有以下十

無之從桓二年正義所引釋例增其不書至者九十有四皆不告

廟也隱公之不告謙也餘公之不告慢于禮也公

行或朝或會或盟或伐或得禮或失禮其事非一

故傳隨而釋之于盟釋告廟嫌他例不通故復總

曰凡公行告于宗廟反行飲至舍爵策勲焉禮也

此以明公之出境當無不告及其反也則必飲至

有功則策勲焉故公至自伐鄭傳重言以飲至之

禮孟獻子書勞于廟傳復云得禮所以反覆凡例也公朝于晉而獻子書勞知策勲非惟討伐之功雖或常行有以寧國安民案寧國襄十三年正義引釋例作定國正亦書功于廟也然則凡反行飲至必以嘉會昭告于祖禰有功則舍爵策勲無勲無勞告成事而已若大執止之辱壓尊毀列所以累其先君忝其社稷固當克躬罪己不以嘉禮自終宣公如齊既已見止速婚于鄰國之臣而行飲至之禮故傳曰書過桓公之喪至自齊此則死還告廟而書至者也莊公違禮如齊觀社用飲至之禮此則失禮之書至

者也今又如齊逆女則得禮亦書至也宣公黑壤之會以賂免諱不書盟而復書至亦諱不以見止告廟也襄公至自晉此則策勞還而書至昭公至自齊居于郟此則宣告而書至者也諸書至皆告廟啓反或即實而言或有所諱避傳于伐鄭見飲至之禮于宣見書過之譏于襄見書勞于廟舉此三者以包其他行也僖十七年傳曰公至自會猶有諸侯之事諱之也明以諸侯之事越境還至用飲至之禮正也公以滅項為齊所止會事既畢踰一年乃還非公所終而經書至自會故傳特釋曰猶

有諸侯之事且諱之也溫之會遂圍許書公至自
圍許相之會遂滅偃陽書公至自會諸若此類事
勢相接或以始致或以終致蓋時史之異耳無他
義也案此句末樂大典無之從桓陪臣執命大都
耦國仲由建隨三都之計而成人不從故公親圍
之雖不越境動衆興兵大其事故出入皆告于廟
也

郊雩烝嘗例第二十四案此篇見永樂大典惟

九年正義神

桓八年春正月己卯烝

夏五月丁丑烝

釋例曰啓蟄而郊謂夏正建寅之月于是祀南郊
配后稷以祈農事也龍見而雩謂建巳之月蒼龍
七宿之體昏見東方于是大雩祭天遠爲百穀祈
膏雨也始殺而嘗謂建酉之月蒹葭蒼蒼白露爲
霜陰氣始殺嘉穀始熟于是薦嘗于宗廟也案桓
正義云始殺書祭實起于建申之月今云建酉者
言其下限賈服解始殺唯據孟秋不通建酉之月
故釋例破賈閉蟄而烝謂建亥之月草木枯槁昆
蟲閉蟄履霜堅冰萬物皆成可薦者衆于是享祭
烝于祖考也言凡祀舉郊雩烝嘗則天神人鬼地

祇之祭皆通也其他羣祀不錄可知也禘祠及地
祇經無其事故不備言亦約文以相包也案此四句桓五年正義引釋例作不云禘祠地祇者經無其事故傳略而不言過則書者謂非其
時非其祀不早而雩之類是也始夏而雩者謂純
陽用事防有旱災而祈之也至于四特之旱及又
因用此禮而求雨故亦曰雩宗廟之祀也既有天
時又須所薦之物可薦卜曰又有吉否則仲月其
常也故周禮祀號日以四時仲正之也經書正月
烝得仲月之時也其夏五月復烝此為過烝若但
書夏五月烝則唯可知其非特故先發正月之烝

而後經書五月烝案後經二字桓五年正義引釋例作繼字以示非時
并明再烝瀆也四特享祀孝子之所以致忠故雖
大災大禮大凶喪哀是以廢大事乃有闕今以建
未之月而修嘗祭之禮非也然既戒日致齋御廩
雖災不害嘉穀祭亦不應中廢故經書乙亥嘗以
示過傳釋之以不害也傳曰春不雨夏六月雨自
十月不雨至于五月不曰旱不為災也然則雖書
不雨必須將為災然後得雩常事不書諸書雩而
傳不以旱釋之者皆過雩也經書過雩則與旱雩
不別故傳七發之天子郊祀因望祭四方衆神諸

節立夏小滿為中氣五月節芒種夏至為中氣六月節小暑大暑為中氣七月節立秋處暑為中氣八月節白露秋分為中氣九月節寒露霜降為中氣十月節立冬小雪為中氣十一月節大雪冬至為中氣十二月節小寒大寒為中氣凡十二月而節氣有二十四共通三百六十六日分為四時間之以閏月故節未必得恒在其月初而中氣亦不得恒在月之半是以傳舉天宿氣節為文而不以月為正僖公襄公夏四月卜郊但譏其非所宜卜而不譏其四月不可郊也孟獻子曰啓蟄而郊郊

而後耕耕謂春分也言得啓蟄即當卜郊不應過春分也案歷法有啓蟄驚蟄而無龍見始殺閉蟄此古人所名不同然其法推不得有異傳曰火伏而後蟄者畢此謂十月始蟄也至十一月則遂閉之猶二月之驚蟄既啓之後遂驚而走出始蟄之後又自閉塞也案桓五年正義云注以閉蟄為十月而釋例云十一月遂閉之者以正月半蟄蟲啓戶二月初則遂閉之傳稱四者皆舉中氣蟲始閉十一月月初則遂閉之傳稱四者皆舉中氣言其至此中氣則卜此祭次月初氣仍是祭限十月月中氣乃為過時既以閉蟄為建亥之月又言十後冬至以前皆得烝祭也白露秋分謂之始殺龍星之體昏見義引釋例作羣正謂立夏之月言

得此月節則當卜祀過涉次節則以過而書故秋
雩書不時此涉周之立秋節也案孔穎達正義云
言涉立秋節者謂
涉立秋之月中氣節也過涉次節亦謂中土功作
節非初節也若始涉初節則不譏之矣者不必月日故亦書龍見而畢務戒事也火見而
致用水昏正而裁日至而畢此其大準也周禮祭
宗廟以四仲蓋言其下限也月令之書出自呂不
韋其意也欲為秦制非古典也穎氏因之以為龍
見五月五月之時龍星已過于見此為彊牽天宿
以附會呂不韋之月令非所據而據既以不安且
又自違左氏傳稱秋大雩書不時此秋即穎氏之

用

五月而忘其不時之文欲以雩祭劉賈又以為諸
書用皆不宜用案書字成十七年
正義引釋例作言反于禮者也施
之用郊似若有義至于贄用幣及用鄩子諸若此
比皆當須書用以別所用者也若不言則事叙不
明所謂辭窮非聖人故造此用以示義也且諸過
祀三望之類奚獨皆不書用邪案左氏傳用幣于
社稱曰得禮案稱字成十七年
正義引釋例作傳冉有用矛于齊師
孔子以為義無不宜用之例也丘明云我師豈欺
我哉

王侯夫人出奔例第二十五 案此篇見永樂大典其篇目亦存

桓六年春正月寔來五年傳曰冬淳于公如曹度其國危遂不復六年傳曰春自曹來朝書曰實來不復其國也

十五年夏云云五月鄭伯突出奔蔡傳曰祭仲專鄭伯患之使其婚雍糾殺之云云祭仲殺雍糾云云公載以出

十六年冬云云十有一月衛侯朔出奔齊傳曰宣姜與公子朔構急于云云二公子故怨惠公云云立公子黔牟

惠公奔齊

莊元年春云云三月夫人孫于齊傳曰夫人孫于齊不稱姜氏絕不為親禮也

四年夏云云紀侯大去其國傳曰紀侯不能下齊以與紀季夏紀侯大去其國違齊難也

閔二年秋云云九月夫人姜氏孫于邾傳曰閔公之死也哀姜與知之故孫于邾

僖二十四年冬天王出居于鄭傳曰初甘昭公有寵于惠后云云頽叔桃子曰我實使狄狄其怨我遂奉太

叔以狄師攻王王御士將禦之王曰先后其謂我何云云天子無出書曰天王出居于鄭避母弟之難也

二十八年夏四月云云衛侯出奔楚傳曰衛侯欲與楚國人不欲故出其君以說于晉衛侯出居于襄牛云云

齊國人以逐之

二十五年秋云云九月己亥公孫于齊次于陽州齊侯
唁公于野井傳曰齊侯將唁公于平陰公先至于野
井齊侯曰寡人之罪也使有司待于平陰為近故也
書曰公孫于齊次于陽州齊侯唁公于野井禮也將
求于人則先下之禮之善物也

哀十年春王二月邾子益來奔七年傳曰秋伐邾云云
以邾子益來云云八年傳曰乃歸邾子邾子又無道吳
子使太宰子餘討之囚諸樓臺拊之以棘使諸大夫
奉太子葦以為政十年傳曰春邾隱公來奔齊甥也

故逐奔齊

桓十一年秋云云九月云云鄭忽出奔衛傳曰雍氏宗有
寵于宋莊公故誘祭仲而執之曰不立突將死云云祭
仲與宋人盟以厲公歸而立之秋九月丁亥昭公奔
衛己亥厲公立

昭元年秋云云莒展輿出奔吳傳曰莒展輿立而奪羣
公子秋公子召去疾于齊秋齊公子鉏納去疾展輿
奔吳云云君子曰莒展之不立棄人也夫人可棄乎詩
曰無競維人善矣

八年夏四月云云陳公子留出奔鄭傳曰哀公有廢疾

五月甲申公子招公子過殺悼太子偃師而立公子
留云公子勝愬之于楚云公子留奔鄭

二十六年冬十月云尹氏召伯毛伯以王子朝奔楚
二十二年夏經書王室亂二十三年秋經書尹氏立
王子朝二十六年傳曰晉師克鞏召伯盈逐王子朝
王子朝及召氏之族毛伯得尹氏固南宮嚳奉周之
典籍以奔楚

釋例曰君為元首臣為股肱股肱元首同體合用
相須而成也然假異氣以合德執名義以相服非
忠誠之感和理之應則四體交競元首失德燕款

以多寵見逐鄭突以專臣失位蔡朱以外讒出奔
莒展以棄人不立由此觀之君臣之間有釁多矣
唯秉德而志公者必博聽而遠覽無常親也無常
疎也有親必有疎有常必致非常也此人君之安
危今古之成敗也諸侯有國社稷是重州公如曹
度其國危危而無患慮容身于魯社稷絕祀非奔
非朝故實來內諱奔謂之孫使若不為臣子之所
逐自孫位而去之案之字莊五年文姜與公如齊
引釋例作者字
以淫是謫懼而歸誠于襄案此句莊元年正義引
釋例作懼而歸新于襄
公襄公戕公而委罪于彭生案戕字莊元年正義
引釋例作殺字弑

公之謀姜所不與疑懼而自留于齊莊公感其不
反以闕卽位之禮故姜氏自齊而還魯魯人探情
以責之故復出奔夫子以為姜氏罪不與弑于莊
公之義當以母淫于齊而絕其齊親內全母子之
道故經不稱姜氏傳曰絕不為親禮也明絕之于
齊也文姜稱夫人明母義存也哀姜外淫故孫稱
姜氏明義異也文姜之身終始七如齊再如莒皆
以淫行書出而不書反案書出莊元年正則元年
之還亦不告廟惟此可知也紀侯力弱慮窮自以
列國不忍屈臣于齊使紀季以鄆求安而脫身外

寓季果為附庸社稷有奉故不言滅不見迫逐故
亦不言奔大去者不反之辭蓋時史卽實而言仲
尼不改故傳不言故書書曰也天子以天下為家
故傳曰凡自周無出今以出居為名而不書奔殊
之于列國邾之世子以地來奔此罪人也公乃嘉
而君之謬用諸侯之禮待之同于邾伯夫子卽而
書邾伯來奔書斯示此亦有意于褒貶也諸侯奔
亡皆迫逐而苟免非自出也傳稱衛孫林父甯殖
出其君名在諸侯之策此以臣名赴告之文也仲
尼之經更沒逐者主名以自奔為文者責其君不

能自安自固所犯非徒所逐之臣也且衛赴不以名而燕赴以名名隨赴而書之者義在于彼不在此也傳不發于蔡朱衛衎而發于燕款者款罪輕于衛衎而重于蔡朱故舉中示例以兼通上下也朱雖無罪據其失位而出奔案此句永樂大典作據位出奔從春秋序正義所引亦其咎也晉侯問于師曠曰衛人出其君不亦甚乎對曰或者其君實甚良君將賞善而刑淫養民如子蓋之如天容之如地民奉其君愛之如父母仰之如日月敬之如神明畏之如雷霆其可出乎夫君神之主也民之望也若困民之主

匱神之祀百姓絕望社稷無主將焉用之帝去何為天之愛民甚矣豈使一人肆于民上以從其淫必不然矣晉悼感衛衎而發問師曠恃其目盲因問答以極言且明君不能君故臣亦不能臣罪不純在臣也鄭忽既葬免喪而不稱君者忽為太子有母氏之寵宋卿之援有功于諸侯此太子之盛者也守介節以矢大國之助知三公子之強不用祭仲之言修小善潔小行從匹夫之仁忘社稷之大計故君子謂之善自為謀言不能謀國也又卒而不能自君鄭人亦不君之是以出則降名以赴

入則逆承以太子之禮始于見逐終于見殺三公
子更立亂鄭國者實忽之由也故仲尼因而示義
也公子留莒展輿書名者篡弒而立未列于會也
諸侯即位上有王命次則列國以為班然後成君
故凡不受先君之命者雖已踰年不與諸侯會而
出奔皆不稱爵此古之常制故傳曰會于平州以
定公位也

春秋釋例卷三終

